

BOSNA I HERCEGOVINA  
FEDERACIJA BOSNE I HERCEGOVINE

**VLADA**

BOSNIA AND HERZEGOVINA  
FEDERATION OF BOSNIA AND HERZEGOVINA

**GOVERNMENT**

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ

**ВЛАДА**

Broj: 03-02-437-1/24  
Sarajevo, 30.04.2024. godine

**PARLAMENT FEDERACIJE BOSNE I HERCEGOVINE** ✓  
**Dom naroda**  
n/p gosp. Tomislavu Martinoviću, predsjedatelju

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 03-05-2024			
Org. jed.	Broj	Priloga	Vrijednost
05/2	-02-	63	124

Predmet: Izjašnjenje Vlade Federacije Bosne i Hercegovine

Poštovani,

Sukladno članku 10. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u privitku akta dostavljam Vam Izjašnjenje Vlade Federacije Bosne i Hercegovine na Inicijativu za dopunu članka 69. Zakona o radu, koju je podnijela Belma Kapo, izaslanik u Domu naroda Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 33. sjednici, održanoj 30. travnja 2024. godine.

S poštovanjem,



C.O: FEDERALNO MINISTARSTVO RADA I SOCIJALNE POLITIKE  
n/p gosp. Adnanu Deliću, ministru

Privitak: kao u tekstu

Na temelju članka 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10 i 39/20), a u svezi sa člankom 10. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br: 27/03, 21/09 i 24/20), nakon razmatranja Inicijative za dopunu članka 69. Zakona o radu, koju je podnijela Belma Kapo, izaslanik u Domu naroda Parlamenta Federacije Bosne i Hercegovine, Vlada Federacije Bosne i Hercegovine je na prijedlog Federalnog ministarstva rada i socijalne politike, na 33. sjednici održanoj 30. travnja 2024. godine, utvrdila sljedeće

## **IZJAŠNJENJE**

Vlada Federacije Bosne i Hercegovine ne prihvata Inicijativu za dopunu članka 69. Zakona o radu, koju je podnijela Belma Kapo, izaslanik u Domu naroda Parlamenta Federacije Bosne i Hercegovine.

### **Obrazloženje**

Aktom tajnika Doma naroda Parlamenta Federacije Bosne i Hercegovine broj: 05/2-02-63/24 od 15.02.2024. godine, dostavljena je Inicijativa za dopunu članka 69. Zakona o radu, koju je podnijela Belma Kapo, izaslanik u Domu naroda Parlamenta Federacije Bosne i Hercegovine.

Podnositelj Inicijative izaslanik Belma Kapo, predlaže donošenje dopune Zakona o radu, na način da se odredba članka 69. pomenutog zakona, dopuni dodatnim stavkom (4) kojim će se omogućiti ostvarivanje prava na bolovanje jednog roditelja/skrbnika (ako su oba u radnom odnosu) djece oboljele od malignih bolesti tokom dijagnostike i aktivnog liječenja. Za vrijeme korištenja bolovanja roditelj/skrbnik iz ovog stavka, imaju pravo na 100% iznos od zarade plate zbog intenzivne njege i skrbi o djeci.

Kao razlog za podnošenje predmetne Inicijative navodi se, između ostalog, i da je broj oboljele djece od malignih bolesti oko 50 na teritoriji Federacije Bosne i Hercegovine. Također, istaknuto je i da bi pravo iz predloženog stavka koristile obitelji gdje su oba roditelja zaposlena, a pravo bi mogao koristiti jedan od roditelja, te da bi prema dosadašnjim podacima oko 10 obitelji na godišnjem nivou koristilo ovo pravo. Nadalje, navedeno je i da se leukemija koja se javlja kao najčešće maligno oboljenje kod djece, po protokolima liječi 105 tjedana odnosno 2 godine.

Imajući u vidu navedeno, razmotrena je predmetna inicijativa, te je ocijenjena neprihvatljivom. Naime, odredbom članka 69. stavak 1. Zakona o radu („Službene novine Federacije BiH“, br. 26/16, 89/18 i 44/22), propisano je da jedan od roditelja djeteta sa težim smetnjama u razvoju (teže hendikepiranog djeteta) ima pravo da radi polovinu punog radnog vremena, u slučaju da se radi o samohranom roditelju ili da su oba roditelja zaposlena, pod uvjetom da dijete nije smješteno u ustanovu socijalno - zdravstvenog zbrinjavanja, na osnovu nalaza nadležne zdravstvene ustanove. Nadalje, u st. 2 i 3. istog članka propisano je da roditelju koji koristi pravo iz stavka 1. ovog članka, pripada pravo na naknadu plaće u skladu sa zakonom, te mu se ne može narediti da radi noću, prekovremeno i ne može mu se promijeniti mjesto rada, ako za to nije dao svoj pisani pristanak.

Sukladno navedenom, Zakon o radu propisao je da jedan od roditelja djeteta sa težim smetnjama u razvoju ima pravo da radi polovinu punog radnog vremena. Naime, navedeno pravo ostvaruje jedan od roditelja djeteta sa težim smetnjama u razvoju ako se radi o samohranom roditelju ili su oba roditelja